



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove**

Broj: 04-23-4-1481/24

Datum: 26.04.2024. god.

Služba za finansije, privredu, komunalne i inspeksijske poslove općine Tešanj rješavajući po zahtjevu Službe za društvene djelatnosti i investicije općine Tešanj na osnovu člana 4. Odluke o organizaciji i sigurnosti saobraćaja na cestama ("Službeni glasnik Općine Tešanj", broj: 3/10,1/12), člana 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj: 11/17) i člana 200. Zakona o upravnom postupku ("Sl. novine FBiH", broj:2/98, 48/99), donosi

RJEŠENJE

1. ODOBRAVA SE privremena obustava saobraćaja za motorna vozila u Tešnju radi izvođenja radova na rekonstrukciji kocke u ulicama:

- "Titova" u periodu od 02.05 do 04.05.2024. godine od 00-24,00 sati,

- "Trg Gazi Ferhat – bega" u periodu od 05.05 do 07.05.2024. godine, od 00-24,00 sati.

2. U vrijeme zabrane, saobraćaj će se odvijati postojećim alternativnim pravcima- ulicama: "Tabačka", "Hamzalije Ajanović", "Ali paše Hećimovića", "9.Septembar", "Adema Prnjavorca" i Kemala Korajlića".

3. Privremenu obustavu saobraćaja obilježiti vertikalnom saobraćajnom signalizacijom.

4. Policijska uprava Tešanj će dodatno pratiti stanje sigurnosti saobraćaja na tom dijelu općine, poduzimaće mjere sigurnog odvijanja saobraćaja i usmjeravati vozila na korištenje alternativnih pravaca.

Obrazloženje

U cilju izvođenja radova na rekonstrukciji kocke u ulici "Titova" i ulici "Trg Gazi Ferhat bega" u Tešnju iskazala se potreba za privremenim zatvaranjem saobraćaja za motorna vozila u ulicama i to : ulica Titova u periodu od 02.05 do 04.05.2024. godine od 00-24,00 sati i ulica "Trg Gazi Ferhat Bega" u periodu od 05.05. do 07.05.2024. godine od 00-24,00 sati radi izvođenja radova na rekonstrukciji kocke navedenih ulica.

Dok traju radovi na rekonstrukciji kocke saobraćaj će se odvijati postojećim alternativnim saobraćajnim pravcima-ulicama: "Tabačka", "Hamzalije Ajanović", "Ali paše Hećimovića", "9.Septembar", "Adema Prnjavorca i Kemala Korajlića".

Služba je u postupku rješavanja zahtjeva ustanovila da ne postoje smetnje za novi režim odvijanja saobraćaja u periodu rekonstrukcije kocke u ulici "Titova" i ulici "Trg Gazi Ferhat bega", odnosno saobraćaj će se u navedenom periodu odvijati postojećim alternativnim saobraćajnicama.

Imajući u vidu naprijed navedeno, u skladu s članom 27. Odluke o lokalnim i nerazvrstanim cestama na području općine Tešanj ("Službeni glasnik Općine Tešanj", broj:11/17) riješeno je kao u dispozitivu rješenja.

Ovo rješenje je oslobođeno plaćanja administrativne takse u skladu sa članom 7. tačka 1. Odluke o općinskim administrativnim taksama ("Službeni glasnik Općine Tešanj", broj: 1/14).

Pouka o pravnom lijeku

Protiv ovog rješenja može se izjaviti žalba Drugostepenoj općinskoj komisiji u roku od 15 dana od dana prijema rješenja.

Dostavljeno:

1. Služba za društvene djelatnosti i investicije

2. Policijska stanica Tešanj

3. Web stranica Općine Tešanj

4. a/a

POMOĆNIK OPĆINSKOG NAČELNIKA


Amel Karahmet, dipl.oec